



Jumat, 24 Oktober 2021
Ogen: Mazmur 92:14



Turah Bas Rumah Tuhan



Kualitas perturah sinuan-sinuan la terjeng jilena bibit siisuanken, tapi ipengaruhi i ja ingan ia isuanken ras uga pengorotken sinuan e tantangna ia isuanken pe. Mejile gia bibit adi la sikap ipekena-kena ras la mehumur tanehna, labo maksimal ulihna. Bageka pe kerna kiniteken. Sinuan kiniteken si isuanken arah kematen Tuhan Yesus man banta la banci si sangsiken kualitas kiniulinna. Tapi kiniteken e arus turah i bas pusuh si nggit terus menerus iubahken. Ula nyaman i bas kegeluhen si gel-gel, si mbue toleransi ras dosa. Bage pe arus ipekena-kena alu mereken pupuk kiniteken, e me nggeluh i bas Kata Dibata bage pe erlumba i bas ncidahken perturahna kiniteken e.

Batang kurma ras batang saitun bijina isuanken ku bas taneh maka taneh e itindihi ka alu batu. Tujunna gelah perturahna jadi mejile ras megegeh. Maka kalak si bujur pe iandingken desken batang kurma ras batang saitun e, maka megegeh lit nge tantangan nggeluh siarus ialaken. Gelah jadi bibit unggul jenari banci mpejileken ingan i ja ia turah. Anak-anak Tuhan labo turah i bas ingan si biasa-biasa saja. Perturahna i bas rumah Dibata, ertina perturah kinitekenta iteruh perkuah ate Dibata. Adi bage Tuhan nge si merekenca kerina gizi si mehuli man kinitekenta. Sabab si ertunas ras turah i bas Tuhan idapetina ras inanamina pengepkepen Tuhan si setia e. Dibata tetap ncukupi kerina siniperluken bas kegeluhen.

Erkiteken si e tetaplai si jaga kinitekenta, amin gia erbage situasi kegeluhen jadi. Covid 19, penakit bas jabu, sinuan-sinuan la bagi ukur. Tetaplai si dahi Tuhan arah ibadah-ibadah ras pertotonta man Tuhan. Siturah bas rumah Tuhan, geluhna ijayam Tuhan, bicara guling pe la seh ampar sebab Tuhan sikap mpekena-kenasa.